



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 27. Petrus Romerus ad necem quæritur.

urn:nbn:de:hbz:466:1-38528

necis locum, parricidis ad rura dilapsis, vacuum deveniunt, raptimque, antequam ab rusticatione redirent, ex sōpito jam incendio semiustulatae Sociorum corpora edūcunt, atque eo quo venerant ordine, frenentibus ne quicquam parricidis, diu que insequentibus, opima spolia reportant. Romerus, evaporato utcumque dolore, laudavit reduces, qui fidem in vindicandis sacrī exuvīs heroico facinore rei Christianae se probaverant. Cūm verò allata cadavera sigillatim exploraret, reperit inter semiustulata truncataque membra cor Rochi Gonsalvii sagittā transfixum nihil igne lœsum; ut sentires nihil nostrum ignem in cor cœlestibus ardoribus ignitum potuisse. Mox rudi pro tempore utrumque cadaver lipsanothecæ illatum est, donec cultius componerentur.

NON diu post Caarupe parricida, trecentorum hominum instructus acie, repentinus Caasapaminiensibus adest; Petrum Romerum, quem ob cœlibem vitam per ludibrium verulam vocitabat, de medio sublaturus. Municipes pro more rusticatum iverant, solique aderant juvenes decem, qui seniculo quodam duce arcubus & sagittis instruti contra confertam hostium aciem progredi ausi, adeo fortiter se gescerunt, ut illorum impetum detinuerint, arcuerintque, donec, concurrentibus jam ex rusticatione Caasapaminiensibus, in fugam omnes, non sine suorum clade, nullo ex nostris desiderato, verterentur. Cui rei magnum momentum attulit ipse Romerus, qui pro tuendo grege determinata morte in equo cum duobus aliis Neophytis equitibus prodiens, ita terruit parricidas, ut fortitudinis miraculo attoniti frenentes furentesque, quod à vetula (ut aiebant) & patibulis adolescentibus reprimenterunt, tentare secundum impetum non ausi sint. Sed frendeant tinganturque amaro opprobrio parricidæ, nusquam tamen efficient, quin juvenes illi Caasapaminienses per omnium ora volent, qui vix ex barbarie in Catechumenorum Neophytorumque album relati, pro incolumitate advenæ magistri contra populares & amicos suos, contra confertam multitudinem pauculi certo se mortis periculo exponentes armaverunt pugnaueruntque, & ostenderunt Deum per pueros posse quod olim per locustas.

PAULÒ antequam hæc gererentur, hoc est, postridie quam Rochus Gonsalvius & Alfonsus Rodericius occisi sunt, Niezuvius, de eorum nece nuncio accepto, ferociter exultans, plumarum amiculæ & reliquo horrendorum rituum ornamento se vestiens, eodemque cultu unam concubinis ornati & se sequi jubens, popularium concessionem vocat. Nox erat cum frequentissimi convenere. Quare tenebrarum & multitudinis opportunitate usus, omni circum igne extincto, postquam horrendum nescio quid in gutture turbinalset, identidemque inani ex cucurbita crepitaculum agitasset, & diu lymphaticas vociferationes intercalari silentio distinxisset; tandem horrore omnibus concussus, his fermè verbis Joannem Castilium de medio tollendum pronunciat. *Adeste tygrides, adeste, & in authorem opprobrii mei unges dentesq; auites, cur pigritias? Etiam vos fascinavit advena? etiam vos rebellatus? Vestram fidem appello quoniquot adestis, & viri, quan si obstinate denegatis, statutum mibi est ad astra revolare, & omnia clementia in vos armare, perdere, pertinaces. Ite & opprimitte Sacrisculum advenam, pueros intantationibus affectos abluentem, jusq; meum in feminarum præstantissimas impudenter denegantem.* Approbatu furore, Potirava, & Quaraibius Niezuvii sacer, delecto parricidarum habito, sceleris patrandi tempus & locum indicunt, dissimulanterque, ne præda elabatur, omnia agi imperant. Fo tempore commodum parricidis accidit, ut nonnulli Ethnici religioni Christianæ nomen daturi ad oppidum venirent, quibus secum assumptis, ubi illuxit, Joannem Castillium domi Deum orantem adeunt, dolosè postulantes, ut religionis candidatos in album relatios velit pro more munusculo aliquo donare. Castilius advenas benevolè admissos in catalogum reserat, largèque donat; quibus rebus intentum, suique incaurum, parricidæ a tergo invadunt, laceratos fortiter ligant, colaphis & fusce cædunt, contumelii onerant, fatuum appellant, è pede raptatum prosternunt. Tumille, si, inquit, ob ea munuscula, que impertior,

Cor Gonsalvii ab igne illas sum ser-vatur.

CAPUT
XXVII.
Petrus Ro-
merus ad
nece qua-
ritur.

Caasapa-
minisnum
Adolescen-
tium forti-
tudo.

Barbari ter-
rentur.

XXVIII.
Joannes Ca-
stilius tra-
cidatur.

Niezuvii
debaucha-
tio.

Parricida-
rum fenu-
latio.

Joannis Ca-
stilius suppi-
cia.

in